



浙江圖書館



浙江圖書館


海昌外志
八




浙江圖書館



浙江圖書館



浙江圖書館



浙江圖書館

海昌外志

叢談志

金石不同質玄黃不同采穀色所不遺也邑沿革不一
其事散見于諸家曰祥異曰古蹟曰丘墓曰佚事博徵
而詳覈之如獲珙璧作叢談志

祥異

吳

赤烏十二年冬十二月寶鼎見臨平湖中因稱鼎湖初
吳人掘地得銀尺上有刻文吳主因改元天冊又得小



葉林談遷孺木著



浙江

臨平下奪湖字

石青色長四寸廣二寸作皇帝字改元天璽是年湖開

晉咸寧三年秋八月

吳人或言于吳主曰臨平自漢末穢塞長老

言湖塞天下亂湖開天下平近者無故忽開此天下當

太平青蓋入洛之祥也吳主以問都尉陳訓對曰臣止

能望氣不能達湖之開塞退而告其友曰青蓋入洛者

銜璧之事也

晉

武帝時臨平岸崩得石鼓扣之無聲以問張華對曰須

蜀中桐木刻魚形扣之果聲聞數十里

安帝元興二年冬十月臨平湖水赤桓玄諷吳使開

以為己瑞俄而亥敗

宋

文帝元嘉十八年秋七月吳郡蓋官獲白雀太守劉禎

以獻

元嘉二十四年白雀產于民家

齊

武帝永明三年富陽民唐遇之作亂會稽太守沈文季

發吳嘉興海鹽之官民丁救之賊分兵出諸縣蓋官

令蕭元蔚逃走

永明七年夏六月蓋官獲白雀

永明九年鹽官縣石浦有海魚乘潮來潮退不得去長
三十餘丈黑色無鱗未死有殼如牛土人呼為海燕
取食之此京房所謂魚孽也

梁

天監七年邑人弘靈度井中放光三日不止獲銅僧伽
像因舍宅為寺即今慶善寺

陳

高祖永定二年十二月壬申割吳郡鹽官海鹽前京三
縣置海寧郡屬揚州

陳

禎明元年冬十二月臨平湖久塞忽自開後主惡之自
賣寺為奴以壓之尹遂昌曰吳臨平湖開而吳亡陳
臨平湖開而陳滅陳主不知修省自賣為奴則何益
哉

唐

玄宗開元九年重築捍海塘廣二丈高一丈長一百二
十四里

貞元六年夏大旱

文宗太和元年春大疫

太和四年夏大水

浙江圖書館

僖宗乾符六年曹師雄寇二浙杭州募諸縣團鄉兵千
人臨平董昌鑿塘劉孟安阮結富陽聞人字蓋官徐
及新城杜稜餘杭凌人舉臨安曹信各為都將魏杭
州八部

宋

神宗熙寧元年十月詔杭之長安秀之杉青常之望亭
三堰監護使臣並以管幹河塘繫銜

熙寧八年縣自八月地產物如珠可造飯水產菜如菌
可為菹民賴以充食

政和二年七月兵部尚書張閣言錢塘江水比年水勢

溢壞下奪居宇

稍改自海門過赭山即回薄岩門白石一帶北岸壞
民田及蓋亭蓋地東西三十餘里南北二十餘里詔
修築之

政和六年閏正月知杭州李偃言湯村岩門白石並錢
塘江通大海日受兩潮漸致侵噬乞依六和岸用石

砌疊乃畚劉既濟修治

宋史

政和丙申杭州湯村海溢壞民田廬凡數十里朝廷
降鐵符十道以鎮之壬寅歲蓋官縣亦溢縣南至海
四十里而水之所嚙去邑聚才數里邑人甚恐十一
月鐵符又至其數如湯村每一符重百斤正面鑄神

符又御書呪貯以青木匣府遣曹官同都道正管押
下縣、建道場設醮投之海中初蓋官自投符後稍
稍沙漲前此經制司差一武經郎路升措置水利乃
歛築長堤以捍潮勢其論尤迂誕杭帥翁彥國笑曰
平生且不見人修海

海宅編

淳熙二年兩浙漕臣趙璠老言臨安府長安縣至許村
巡簡司一帶漕河淺濇請錢未發兩岸人戶出力開
濬

建炎三年三月高宗南渡庚辰發秀州次長安聞辛巳

次杭州陳璣日曆

紹熙元年春大疫

鹽官令陳恕築二十五里塘民利之作甘棠隄

紹熙二年饑米斗千錢

孝宗乾道四年十月四日上閱武茅灘三百騎前一日

于赭山打圍射獵兔侯教陣畢以射倒獐兔至御臺

下進獻

慶元三年秋七月螟

嘉定三年五月鹽官大水溺死者累十二年潮決平野

二十里蜀山淪入于海聚落田疇失其半壤鄉田初
有巨魚橫海岸民鬻食之海患六年始平

端平四年大飢

德祐二年正月壬午元伯顏至長安鎮其將唆都阿答

海皆以兵來會宋丞相陳宜中違約不往甲申伯顏

乃進次皋亭丞相文天祥屯餘杭閩人林琦結集

赭山忠義捍禦海道

文天祥集

元兵之伐宋也分三道入臨安董文炳領左軍沿江

入海循海而南由華亭澈浦次于鹽官鹽官待援招

之不下將佐請屠之文炳曰縣去臨安僅百里截勢

相及臨安終降已有成言吾輕殺一人即害大計况

屠一城乎于是遣人入城諭以大意守者遂降世祖

終約之誤

時高睿為浙西肅政廉訪使時鹽官民有結黨持郡
邑短長者其目曰十老長吏莫敢問睿廉得其實悉
委以法闔境快之拜江浙行臺侍御史

元

成宗大德三年潮決海塘

見前

六年饑

仁宗延祐元年海溢陸地三十餘里昔議州後北門添
築土塘然後築石塘東西長四十三里後以潮汐沙
漲而止

泰定元年十一月癸亥海溢侵城郭遣使祀海神疊石

為塘 二年海潮衝毀請名僧宏濟誦之足跡所到
土皆凝然紹興志載

四年春二月風潮大作壞州郭四里四月潮浸地十九
里水少監張仲仁及行省官發工匠二萬餘人修治
又令僧人誦經天師致祭劄曰可八月潮勢洶以
竹絡木柵寔石四千六百九十塞之用鈔七十九萬
四千餘錠糧四萬六千三百餘石接續興修

致和元年三月甲申遣戶部尚書李家奴往鹽官祝海
神仍集議修海岸命造浮屠七十有六以壓海溢四
月壬寅李家奴以作石圍捍海議聞

至正八年四月海寧州盜起

元史

十年達魯花赤當任知州趙光祖修長安三閘

十七年江浙行省平章慶童出鎮海寧居二年盜息民

章召拜翰林學士承旨

十九年張士誠城海寧

兵部尚書伯顏帖木兒戶部尚書齊航海至杭州徵

張士誠粟方谷真具舟泊澉浦張氏粟達石墩又一

舍抵澉浦乃載于舟粟十萬

元史 噸字不作澉

明

太祖雲夢三人頭上有血以土傳之覺而悟劉基敬將

刑人基曰三人頭上有血此眾字也以土傳之得土
得眾之象也後三日當有驗越三日果海寧降

基縱之

劉誠意集

洪武二年二月改海寧州為縣

設硤石巡簡司

永樂三年海溢

六年海決赭山巡司臨沒

九年復決流六千七百餘戶淪田幾二千頃

十五年十二月增置海寧所烽堠瞭高臺

十八年夏四月左通政岳福奏修仁和海寧塘岸時風

潮臨四千五百餘丈

洪熙元年縣流民復業初逃役九千一百餘戶欠夏稅
絲綿四萬餘斤糧三萬餘石恩優免從之

宣德二年以海患詔免田租

正統六年五月辛丑行在工部奏海寧縣請濬大東門
外官河小東門外袁花塘河北門硤石塘河城中水
門及築瓦石堰二所其請皆便民宜令農閑時委官
督工修理從之

十二年八月海水溢

景泰辛未夏大飢斗米百餘錢

五年正月大雪連旬鳥雀俱死

天順元年旱

成化八年七月海溢朱淑貞詩颶風拔木浪如山振蕩

乾坤頃刻間臨海人家千萬戶漂流不見一人還

十三年二月海決逼城

二十三年秋大旱八月海塘成

弘治十八年九月壬辰夜地震

正德十二年四月甲子夜地震

嘉靖元年春夏大旱水田成巨河董漢雨積詩積雨高

江正急流深春風動物冷于秋睢陽廟下花爭發鹽

官城西花自愁紫陌陰寒誰拾翠白頭心事尚橫舟
青蚨三百酒一斗明日臨印貧亦遊

乙丑七月蝗

辛酉大水

庚寅海濱及于隈

己亥饑大癸卯甲辰游饑

丙午千戶湯執中池側產連理竹時謂孝感所致

戊申倭犯黃灣秦駐塢海蓋健兒童欽等死之

壬子冬有四虎銜稻薪穴石墩民場民驚避之數日一
虎失足礮石中不能出而死餘虎不復見蓋兵兆也

癸丑夏四月癸未倭四十二人自海鹽經袁花屯赭山
數日把總杭州前衛指揮陳善道以民兵三百人禦
之陳乃叅將萬表婿也方出師家人具饌大言曰吾
滅此而後朝食遇賊即臨伏中萬將軍素好施有少
林僧自幼行脚善鉄棍條貫古大錢長八尺嘗德萬
公敬為其婿報且曰吾輩不願受中丞約集黨八十
餘迎擊賊一戰且擡白羽扇僧識為蝴蝶陣令軍人
簪榴花僧自張一蓋作採花狀賊渠帥二大王望僧
即若縛手僧即錐殺之并斃數賊我兵爭級至相傷
僧怒揮蓋倭進迫之民兵皆烏合而潰善道獨戰于

泥淖中靴滑而仆遇害壯士潘賓王貴力鬪死數日
倭縱掠江船而去指揮吳懋宣率僧兵贖搜粟遇遺
賊數輩被創歸沒癸卯別部倭七十餘人流掠村落
六月松陽知縣羅拱辰攝海鹽事以兵至先鋒項東
岡覘虛實引數十人抵石墩斬賊一級餘奔尖山祠
項獨追其祠破其門無援被殺傷我十數人次日羅
至已掠海舟去

甲寅夏四月辛巳倭千人入海蓋由談山來屯黃灣掠
袁花市焚劫甚慘南攻邑城不克掠轉塘徐氏西自
袁花歷黃岡麥墩西北抵硤石還歷談山所過數十

里無人烟執廟灣周氏二諸生令負擔不任釘手足
於樹殺之宿朱家柵守港道以布漬油燃火于長竿
徹夜如晝督撫王忬檄僉事羅拱辰叅將盧鏜都指
揮周應禎來援庚寅忬行部諭師辛卯戰石墩傷狼
兵百人壬辰掠黃灣癸巳掠談山乙未周應禎自崇
教寺進及黃山陣如半月形賊望而呼為牛角陣呪
之應禎馬蹶遇害失亡二千人應禎前事被劾奪職
恥之盡捐貲募北兵千人赴浙時學憲院鶚書勉之
答曰兵法十圍五攻今賊勢甚眾急攻未得良策若
有可乘之機當盡死力圖之必不敢後書至決日而

死賊乘勝立柵益淫掠我軍觀望莫敢前五月壬子朔掠黃岡乙卯別賊舟二計九十二人赴石墩賊壘不納流掠崇德乙巳抵邑城盧鏜戰廿里亭不利而退丁未石墩賊掠袁花而朝海鹽義民曹秩曹禎以鄉兵迎敵賊不敢渡復屯黃灣丙辰出談山丁巳泛海次白塔山海鹽兵追敗之斬三百四十級俘三十一人

九月丁未倭一舟計四十三人泊石墩就炊民舍次日東掠海鹽渡東洋橋為官兵敗逸

十月戊辰朔乙亥賊百餘泊石墩大舟一詭言官兵

南閩下奪婦字

行汲暮而大掠戊寅解維遇官舟登陸辛巳丁總兵
擊之俘十二人賊逸

乙卯正月己亥倭三千餘人自海鹽西掠袁花載輜重
由黃道湖抵硤石盜魁葉麻舊掠袁花祝氏婦時以
携行賊過海鹽南關按轡語賊頗受其約束前鋒六
騎按劍守硤石口時歲初人皆酣飲忽殺掠焚擄亡
算

四月壬申倭自海鹽來西蓋倉白都司兵敗失亡其
半賊分屯袁花硤石焚掠相望硤賊據惠力寺山巔
樹大白旗出則樹歸即偃之掠婦女縲絲、極裸辱

之慘壬午掠皂林北去五月戊午倭千餘人自海鹽
經袁花明日暮掠長安初佯市飯畢遂分入客舍
殺掠辛酉寇杭州

六月庚午盜魁葉麻遣百餘賊駕六舟至袁花取祝
氏婦之杭人有姿葉叔嬖之居沙久一日思歸流涕
葉遣還會徐海飲酣語葉及祝氏欲娶之葉大怒故
有是遣明日登舟至賊巢觴賀累日

丙辰二月硃石錢燦作亂胡總督宗憲嘗戰嘉興北麗
橋而溺燦棹出之燦初犯法繫獄有舉其力遂從軍
既怙功暴掠桐鄉諸生胡鶴齡約同逆謀燦斬捕

卒及己妻子匿邑人許生家索之急次日與黨蔡義脅數百人于硤村揭竿置旗官兵追捕遁太湖或云入倭黨不知所終胡許獄死

丁丑 倭復犯硤石

隆慶元年正月訛言探宮人童男女嫁娶殆盡

知縣許天贈丈田里立圖長一人分都國圖標界次
號又定算手一人給六尺步弓同業戶丈量造冊凡
為里三百五十五圩三千四百五十七田地山
蕩九十二萬二千七百六畝有奇

萬曆乙亥五月晦潮溢壞塘二千餘丈溺百餘人傷稼

八萬餘畝

丁丑九月海塘成築石塘七百五十丈修千七百九十
二丈計費十萬金

丙戌五月大水是年稔

丁亥七月潮溢

戊子己丑大饑疫浮菑蔽水己丑八月

地震

甲午夏五月縣見瑞麥

戊申五月大水是年不害稼有旨改漕仍發粟賑飢民

初未蒙卹邑人葉時等上許之

庚申七月末米價一兩二錢坊市閉糶致惡少攘奪通

判胡承烈署縣惡少羣入其署脅往陳叅政門求糶
承烈幾引劍自刎陳氏許糶三日乃定是歲後米價
並不甚減

天啟辛酉二月記言選宮人嫁娶如隆慶時

鄉間桃樹一花結實為桃李居人異之攜示城中三

月十一日

癸亥十二月二十二日地震

東鄉民家生豨二尾八足民家怪而斃之攜鬻市中
甲子正月十一日雷震戚石灰橋擊死王氏男雨竟夕

水色俱黑海濱及于隘議修築上下俱文具

崇禎元年七月廿三日潮決深入平野二十里漂溺人畜廬舍無萬數

乙亥十一月二十六日地震

戊寅六月辛亥暮大風潮決城西至于赭山溺人畜傷

稼

庚辰秋米涌貴值二兩

辛巳夏六月大蝗旱民飢疫鬻子女售田舍塗有橫殍

而稅賦如故加苛焉始苦田累

壬午春袁花鎮立民兄弟業屠狗陰斃人子女煮稱犬

肉時斤百二十錢立民獨八十歲或以其價廉伺得

之逮訴縣令曾居曹僅以杖釋又長安鎮西柵某殺
人作肉丸以市里嫗挈少女行而稍後失女所在跡
至其家方在刀砧間縣亦杖釋春夏間米值銀
三兩人不聊生

十二月城東三里橋有海象乘潮至潮退不能去偃
于沙上長二十餘丈高三三丈人爭割之不盡流腐
及秧田廟

甲申二月西鄉人苦陳氏葛氏之威羣噪上臺會國變
事漸解

弘光乙酉夏五月陳太史之遶門石獅夜吼因携其一

安國寺

六月庚申怨民反焚葛氏及陳氏村墟效之互劫傷
不可問時甲子北兵檄至杭城乙丑知縣林空解印
綬步出東門輕舟避素苑許氏縣丞莆田林士驊主
簿詔安鄭躍龍在任丁卯北兵入杭城躍龍往送籍
止何檄餉士驊進銀若干

閏六月乙酉貢士錢塘

張克揚來為令尋有雍

髮之命邑人大譁教諭陶秉禮棄官遁士民皇、謀
舉義而外郡各有動矣邑人倡義推中允陳之遴主
其事之遴不可避去于是千戶蔡國瑛朱大綱許

分任之計家出丁餉徼巡嚴密稍不戒輒以奸謀
誅各鄉鎮響應實不任甲硤石周宗彛蓋幕市人為
兵傳檄

七月丙辰北兵四百人暮抵城經南門轉入宣德門
殺掠無算蔡國瑛等死之時浙東擁立魯王太
少卿熊汝霖引義兵千人渡赭山入城約衿紳同
盟以是月終至尋屯翁家埠

八月甲午北兵三百人自嘉興臨硤石殺周啟祥等
宗彛遁

九月 北兵至袁花鎮焚掠過半初東鄉歐陽傑

以把總橫行其里怨家殺之歐氏原附北兵遂乞師
報怨版授知縣陸友緝抵任令薙髮陸仁和人歲貢
初海寧東岳廟南錢氏某煮鹽為業二人守鹽舍忽
見白鼠二自外入斃其一六月鄭彩逃自海上遺贖
甚夥錢某拾得百金又大珠如鷄子先赤私謂珠色
白今赤光者何也殊不殄惜時藏之鹽舍中久之夜
大風雨失去蓋龍所採也其得百金者以疾費盡乃
起一人竟死

丙戌春正月始轉糧杭城

時防江南沿海撥塘俱北兵

中南下奪舟字

三月十七日有南舟七艘浮海及南門漁者潘某以報北兵出擊頗為砲所中南舟亦退遂殺潘某

四月銓授知縣扈萬邦至萬邦安陽人崇禎貢士始徵芻民間

東鄉盜初起孝廉查繼佐等渡江任兵部主事令弟諸生綰等牒鬻武爵于是積盜林起稱副總兵蘇

稱叅將人繫銜自三月初行劫云助餉江南至是亡賴羣應家剽戶掠溫室盡罄而下戶亦不免矣戲言南兵人莫敢格晝夜喧驚若不聊生諸盜多著姓名於借端淫劫實無錙銖南餉也五月中北兵至袁

花東捕斬二百餘人稍潰匿亡何復振勢如甚日事
發焚官吏不敢問八月諸生蔣荐請招撫而朱朝
縉首應命餘黨以次就見然私脅如故計橐遠索少
不稱意立付刃溺大抵盡東鄉之民無完宇矣其端
自齧牒始分營恣盜有射鵬營等目

十一月劉進官攝縣事遼陽人歲貢附北兵來浙時
扈萬邦憤不任事解任遂版授進官

丁亥正月始令漕卒北餉如舊

四月訛言採婦女犒西達一時嫁娶殆盡

大無麥米涌賣值三兩有奇

七月劉士瑛攝縣事

八月廿二日午刻日左四五尺有星晝見隨日而西
十二月廿四李純賢銓授至 順治丁亥進士河南

鄭州人

乙丑秋吾鄉湖塘廟東張匠家剖黃瓜得鱉其家竟無
他異

古蹟

海昌府縣南二十里周五里隋大業元年廢按陸廣微
吳地記云海昌都尉之治

清遠樓今廢

題清遠樓

文天祥

高閣晴空上登臨憶舊游竹床虛卧月松戶半扃秋
山截鳥飛處江流天盡頭相留惟少憇玄得異搜

海山一覽樓

失其處

朱 祚

風翻巨浪千尋碧雨沐群峰萬仞秋凍氣逼人來枕
簾晴雲飛影停簾鉤

聽潮軒

失其處

張 寧

海門蕩天風來雪濤千里如山摧空雷隱地雨將

浙江圖書館

焚梵之誤

作萬鼓齊伐車喧逐初疑群蟻爭翼張忽若洪爐供湯
液風回籟歇如漸遠兵馬蕭蕭支勦敵年去年來似
有期春秋長落幾人思天涯共道初來悞夢裡空驚
夜語時海濱老禪得深趣禪居正近潮來處山空木
落境無人地迥天高歲云莫塵緣斷盡雙耳清天機
自動非人轂上方鐘焚隨風散下界樓臺孤月明風
微月朗眾將定將方猶聞心轉靜來非有為去無情
留連世韻何須聽見說空軒百事無音轂色相盡成
虛禪家自有西來話莫向中州說六如

環綠軒長安游氏立宋濂賦云水竹佳致詩書雅懷樂

只君子悠哉悠哉

小桃源縣東北六十里舊名湖塘里一名清平里叅政
周伯琦題至正二十三年十月建寧路儒學教授天
台徐一夔有記元末貢玩齋先生隱處

張昱

文物湖塘第一村尚書魯輿共高門已甘海味充盤
飭不厭桃花伴酒樽百畝桑麻生計足一經風雨舊
堂存陶潛所記龍洞處不識州城老子孫

小桃源縣東北六十里

蕭處敬

地號小桃源年多聚族繁荒茅先代屋喬木故家園
不許溪漁入常隨野鹿奔雲深綿似幕山匝萃成屯
藥氣烟中白醅香石上樽吟邊鷗引棹行處獨勝轅
軼、惟存古幾、不受喧吾廬能此卜白首更何言

朱右

源上桃花千樹春緣知高隱離風塵林園畫靜聞鷄
犬川島雲深接鳳麟十載兵戈黃霧隔一村桑柘綠
陰深昇平處、安耕鑿不惜漁舟往問津

望硤軒今廢

題望硤軒

胡奎

雙硤何亭々如弟復如兄紫薇劉郎去已遠山今猶
有紫薇名太學書生未三十玉樹英々向人立堂上
有親今白頭晨昏定省嗟何及書往書來春復秋璧
水竟 作三年留鳳凰臺上一回首千年雲生東海
頭東海東頭白雲起望硤之心何日已安得爾雲化
為五色衣朝々暮々當庭闌不勞望雲思遠歸魏々
子紫薇之山兮雙峰並峙乎西東上干織女之銀浦
下瞰蛟人之貝宮天鷄三唱海日紅雲窗霧閣風玲
瓏俞家兄弟構華屋空翠飛落軒櫳中堂上有親顏
色好長年服食金光草笑傾阿母九霞觴啖以安期

玉文棗三年仲子在成均回望天南多白雲知憑海
鶴附書至遙見兩峰如見親俞生俞生忠孝者行看
赤車馳駟馬前度劉郎未足誇重來還對紫薇花
淳朴園沈祐隱居今廢

淳朴園記

董穀

淳朴園者吾友沈子園也沈子幽潛之士予不獨慕
其人亦慕其居、於紫硤之陽晉葛洪所治唐顧况
之隱居也其在于古昔木石秀鬱稀絕人跡高流奇
士樓賢飲水以全其天至于後世萬變萃焉沿麓溯
流回達其衢破厥風氣散厥真純沈子懸弧于斯勝

髮于斯也仰眺雙峰下弄清溪則心悠然乃游于市
則情唏然順逆交于中得今古之所以異中歲則自
謀曰吾何以處茲以自藏吾其為漢陰之叟矣吾固
非崇素封之術者詩曰十畝之間兮桑者閑兮行
與子旋兮十畝之外兮桑者泄兮行與子逝兮吾
欲返于初識不可以他求乃作園又曰吾園名以淳
朴杖其間者耳不聞軍國四方之事巧織喧嘩不接
于目蓋靜者所宜也雜蒔草花果蔬氣至則吾得而
玩之食焉食焉吾無所取必焉爾已矣于是董生曰
篤哉沈子之志予未能一游其間然觀其言知其道

矣是其人蓋好古而憂時者也予昔舟行見其山
環而水阻欲求古高流奇士與游而不可得客有為
我指點書堆丹井慨然猶望見之夫人溺于污濁則
美清冷久于卑陋則思高騫厭于紛華則賞退靜苦
于澆漓則慕于朴有感于今則歎起昔人于地下苟
天理未全滅則其秉彙同也矧夫沈子知道之士志
存尚友宜其先我得矣韓退之讀崔山君鶴言事謂
其有憤世之意予于沈子亦夫云今之時家有百金
之產則公府有千金之需是令以偷也沈子于是乎
力葵焉以自給薄取于世夫薄取于世而世亦薄求

之是兩厚也兩厚者淳朴之道也道必有所由始詩
曰孝子不匱永錫爾類其沈子之謂乎

上管寨縣西南一里

黃灣寨

硤石寨

許村寨

長安寨並廢

長安巡簡司

硤石巡簡司

黃灣巡簡司

並元置

浙江圖書館

童兒塔 縣西南五里

重修塔記

蓋官古牒縣南隅有一佛祠曰靈塔世說相傳以唐
季擾攘為黃賊焚掠近歲西南郊林墅間夜有光亘
天色人沈暉訪而視之得一壞浮圖且莫知其所由
始也稽諸里老僉謂昔此地有佛宮里之兒童累瓦
礫為小塔其間且有嘉瑞後人增飾之成浮屠而焚
棄于五季之兵火故所餘者如此而已其下有黑蛇
長數尋蟠護不去而宵夜昏黑則開放火光紅輝燭
天明徹幽隱然不知其所為始也然則此非所謂靈

塔之遺跡與前數年邑人有召日者治葬域且用塔
以為應按而語人曰此去歲餘塔復興矣後逾歲果
有淨信願加修治璋聞其作興乃與同志共率有緣
協力以相其事始事于元祐戊辰二月成于四月然
則是塔之來信久矣噫數百年荒地之地一旦營繕
乃與日者之識若合符節果術數之精如此耶比有
過客善風水嘗過予而言曰直縣之西有水曰淡塘
其派自錢源來而于卦得辛兌之龍于經得秀文之
氣地勢雖遠而源流不深故未能有嘉驗也苟浚之
使深則斯邑也文富貴達當世不絕余得其言因

唯尚下奪道字

竊自思邑之人貴登龍樓勳勒砥石者徃古有之矣
過此已數百年而繼其顛者寂寥無間豈非直西之
水當時源深而流長者其應如彼後來湮沒而蕪廢
者其應亦如此耶或可信也後之君子銳于作為以
速久遠之效者皆浚其源而疏其流則予未老尚及
見其瑞應也元祐三年五月望日武都章璋撰

重建塔記

張九成

壽聖禪師惟尚眼明徹戒体潔清傳法于普昭英公
得証于黃龍新公既謝事乃歸老兜童塔之西環堵
蕭然而轂振四海其叩門求法者蓋肩相摩而袂相

負召之誤

屬也予寓居蓋官遇風日清美芒屨竹杖經尋師于
茂林修竹之間一日余指指塔問其故師出色人章
瑋石刻且曰舊塔廢為道士居者凡二十年矣紹興
丁巳主塔僧仲淵之孫德謨痛數百年勝槩一旦為
有力所奪影滅跡絕了不可尋問乃草衣木食錫儲
黍積卜地其東纍甃架屋于莽蒼榛棘中今蘭若宰
堵崢嶸突兀鼎、一新既而予被負貳玉牒繼擢亞
春官侍講金華未暇如師所請後余以病乞歸聖天
子閱其勤以奉祠寵之居間日讀方書理藥物亦未
暇如師請也余病今少閒師來請益勤余乃呼謨而

告之曰堯舜禹湯文武周孔之道且在人心覺則為
聖賢惑則為愚不肖聖人懼其惑也乃著之六經使
以義理求乃銘之九鼎使以法象求簠簋俎豆火龍
黼黻以發之鐘鼓箎磬琴竽笙以警之清廟明堂靈
臺辟雍以形之使人目受耳聽心悚意明恍然霧披
豁然冰泮乃知千聖雖往此心元不去萬變雖經此
心自有餘不然吾聖人豈虛為此紛々哉子之辛苦
經營倘有在于斯乎否則吾不知也謝而退乃書以
遺之使刻諸石

胡奎

續蹟之誤

昔聞有童兒聚沙為宰堵巨蛇盤其根夜見靈光吐
自從桑海變奄忽沈波濤神龍久呵護下壓黃金鰲
若入平原孫登亭紀靈續金鐸渺天風迤邐莫天碧
智標塔縣東北六十里審山嘉靖中相論僧院焚廢

萬曆壬子秋蜀僧

募修塔輪僧院登眺最暢

塔院古井記

談于庭

審山浮屠創于宋僧智標已廢數十年萬曆壬子秋
蜀僧來遊露坐三晝夜市人異而趨之履苦結
茅于浮屠之巽隅卜基之日拓土得甌城依然物故
不爽尺寸檀施益集像設僧寮漸飾其概諷頌之聲

與天風遞響第積磔累磧無可謀汲日作漢陰丈人
抱甕于里外又閉汲焉緇素苦之俄新安僧周視土
脉指其東南曰此任鑿于是披沙畚石見古井甃甃
盡其澄汰涌泉甘冽昔之塵渴今而醍醐昔之翳阻
今而沆瀣相與歎為勝緣蓋事若微末而頽址荒蹟
之餘故老莫問往牒失攷偶憑一時之臆頓還舊觀
豈非大雄之慈渡默牖而冥潤之哉予老矣感滄桑
之故曠若發蒙俟山僧煇茗嘗身搯百尺綆以味于
映雲心雪之間矣

黃岡書院即元賈氏義塾至正間改書院

黃岡書院山長唐肅至正壬寅見蘇伯衡集肅字處
敬山陰人鄉舉授山長遷嘉興學正文章號大家行
尤修飾 明初拜翰林編修

賈氏義塾詩序

劉基

人有積儉財而不散者謂之愚君子知散之而不要
諸道其為愚一也故有捐貲產以廣異端而徼非望
之福者非徒無益且受誑而甘心焉凡若此者蓋不
可一二數若海昌賈希賢者非卓然有異于人乎賈
氏為海寧大家而希賢益厚念邑之子弟多不知學
或貧不能自致師以學乃構宇買田招名儒以為師

俾鄉里之俊秀與閭巷之童兒莫不來學其食飲器
用或取給于嚴氏嗚呼可以謂積而散、而得其道
者矣今天下學交責在守令往、不暇顧而視為文
具至攻滿不能備六事而阻其仕進者不少則今之
官海寧者一何幸耶得賈氏以為其民州之子弟得

賈氏而皆振起于學彼為守

令者從而收其功則不
惟有其功于州之民而

為之司牧者亦有賴焉其為利
豈不溥哉使人之效之而不見

三代之化吾不信也

葛仙翁六竈縣東北十六里今不存其地名六竈村

箭石縣西四十里徐王土穀神祠有石出土二尺方廣

二丈世傳錢王箭

白洋池縣西北二十五里周五十五丈

千寶故居菩提山側

褚無量故居臨平湖側

顧况讀書臺審山下顧况詩野人自愛山中宿况是葛

洪丹井西亭前有个長松樹夜半子規來上啼

長歌曉過讀書臺煙樹屏山積翠開會識逋翁逃世
意莓苔鳥篆日徘徊

許相卿

路轉松篁石壁開千峰雲影護書臺清風端合衡門

老却敬從君問草萊

張無垢讀書臺菩提山側

般若臺即黃灣真如寺最上層無垢先生與邑宰刁廕
文叔來游因名之臺上有郭熙畫山水寺有井曰靈
泉而集中謂南路烏龍井非也

許杞山先生讀書臺靈泉鄉黃山之巔

馬自然石井縣西北十二里世傳馬自然嘗入井中

記

徐寬

余閱仙史見吾鄉馬公自然傳記變幻百出奇跡不
一計其威名不下于唐季之呂公洞賓國朝之張

公三丰也。今其故宅莽為荒墟，惟遺井尚在。邑梁君
詰捐貲甃井，構亭刻木肖像，復立石以鏤公之傳，俾
登亭者知為真境而肅然起敬焉。昔屈子著遠游篇，
初欲神游八極而終眷戀于楚，吾聞神仙無日不在
人間，安知馬公之過不悲其故宅之廢而後日之來
不喜其故宅之新也。耶時弘治四年 月 立

元 張 昱

故老相傳語不空，至今石井有仙踪。行人莫向井邊
睡，一勺水中藏卧龍。

義井世傳院，店村章仁蘊。所鑿如仁賢坊，雙廟安國寺。

卷皆是仁賢坊井石欄刻當邑章仁蘊開此義井第
十四口元豐壬戌歲記

故廟銀杏樹洛塘北大
樹銀蝸可治牙痛

浙江圖書館

海昌外志

丘墓

棗林談遷孺木著



吳

三女堆長安鎮覺王寺後相傳孫權第三女按陳壽吳志權妻步夫人生二女長曰魯班字大虎前配周瑜子循後配全琮丞相孫峻姦亂宮人與宮主魯班私通後謀殺孫琳遷豫章前嘉靖志載全琮亦免嶺事則三女堆即琮妻無疑第魯班居長所云第三或琮之第三娶也墓高三丈周二畝嘗有怪今佛殿

大清乾隆...

雄據其半萬曆己丑歲飢盜發之不甚得

按吳志步夫人二女長魯班前配周循後配全琮少
曰魯育字小虎前配朱據後配劉纂裴松之注引吳
歷之纂先娶權中女早卒故以小虎為繼是權三女
實再適劉纂安得以為全琮妻耶 又按魯育為孫
峻所害先葬石子岡孫皓時改葬事詳搜神記此或
其改葬之墓與

三女堆

吳本秦

梵宮鷓尾揮塵霄荒塚壘草色驕幾朵白雲松下
起老僧趺坐話前朝

春游歇馬吊香魂
綠酒頻澆青草根
酹放歌人去
後鶴歸松頂又黃昏

唐

館

許遠墓縣東北五十里楊園村二子致峴葬天竺庄鷄
籠墩 諸生許南金以太守後裔有雋望余嘗問其
先墓若何曰太守墓高廣廢久 氏盜葬其上故失
祭噫式閭表墓良有司當過而問之

馬自然墓縣西九里

縣二十八都扇面橋云顏真卿墓楊慶湖二公合葬訛

魯公非是

宋

侍郎張九成墓縣西五里有石刻手書數紙

乾道三年敷文閣直學士右大中大中夫新知荆南軍

府提舉學士兼管內勸農使馬步軍都總管兼本路

營田使桐廬縣開國子食邑五百戶方滋祭文嗚呼

海內知己如公幾人梁頹山壤晚塗安仰日月遠矣

穀容隱然永懷平寸方寸屢折造宮荆渚寄徑近郊

王事有成汎掃無路姑馳一介致敬九原尚其有靈

歆此薄祭

侍郎章之光墓縣東北五十里

元

尚書貢師秦墓縣東北四十里湖塘村門人朱鏞捐田

四十畝瞻祭

館

王 珉

宦海由來風浪惡月明何處駐仙槎人間洞府桃源

小夢裡關河梓里賒碑碣空題元禮部墓田猶寄魯

朱家殘卷下馬尋遺跡千古文章野草花

潘 良

大元禮部中華士古墓殘陽草樹陰出處一時誠自

畧綱常千古竟誰任衣冠天地分夷夏風景江山自

三

小清樓閣

古今王氣東南排日月桃源始卜避秦心

談遷

殘碣嶙峋墨未涇雲寒衰草欲連天輕舟尚識漁郎
路古柏依然丞相前杜甫浣溪愁易結田橫海島恨
難捐知君華表歸何處江北江南總可憐

祭酒榮肇墓縣東北五十里倍稱榮歪頭墓宋濂贊曰
先朝之老臣當世之巨儒橋門清貴左圖右書元君
寵顧後擁前驅連城之壁照乘之珠修髯大顙此誠
魁梧哉冠博帶可肅薄夫噫孟軻氏有云得天下莫
才而教育之舍公其誰乎

明

紀善何得舉墓縣西十二里

少卿沈升賜墓橫塘

吳烈女墓

靈泉鄉

都御史查約墓袁花塘北嘉靖九年諭葬都御史趙宏

撰神道碑

侍郎祝以蘇墓

袁花塘北崇禎諭葬

知府許令典墓

叅政祝萃墓

妙果山古杉茂柏幽行藉爽每產竹斜

紋曰龍竹其年必登榜雙產則並雋驗之無爽

浙江圖書館

期當作辰

詩人蘇正墓縣東北六十里木塲橋左門人張寧撰碑

太子太保南京吏部尚書秀水徐石麟墓在妙果山東

北麓

館

王 翊

盡瘁初忘嘔血勞孤裘如霧集城濠心灰亡國生新

黍淚落孤臣濕舊袍劍佩晨趨先御道星期夜履立

天曹應知此後魂游地彷彿身依玉陛高

叢塚碑宋紹興甲寅携李魯公題辛海昌之二年作三

叢塚其二在硤石長安慶元二年十月從事郎新差

監建寧府大挺塲權監官縣上管催煎鹽塲葉延年

知在作之

撰

佚事

晉

館

干寶父瑩先有寵婢母甚妬忌及父亡母乃生推婢于
 墓中寶兄弟年少不知審也後十餘年母喪開墓而
 婢伏棺如生載還經日乃蘇言其父嘗取飲食與之
 家中吉凶考校悉驗地中亦不覺為惡塚之生子寶
 以此撰搜神記三十卷

干寶之兄慶無疾而終有術士吳猛語慶之子曰侯算
 未盡我為試請命未可殯殮尸卧静舍惟心下稍暖

五

小清儀閣

居七日猛凌晨至以水激之日中許慶蘇馬旋遂張
目開口尚未發聲闔門皆悲喜猛又令水舍洒乃起
吐血數升兼能言語三日平復初見十數人來執縛
極枯到獄同輩十餘人以次旋對次未至俄見吳君
北面陳釋王遂勅脫械令歸所過官府皆見迎接吳
君與之抗禮即不知悉何神也

出平廣記

朱芾書顏魯公碑陰

公之使賊也謂使者曰吾昔江

南遇道士陶八、得刀圭碧霞餌之自此不衰雲云
七十後有大厄當會我于羅浮山此行幾是後公死
于賊歸葬偃師北山有賈人至羅浮山觀道士奕託

書至偃師北山顏家及往訪之則瑩也守塚蒼頭識
公書大驚卜日開殯棺已空矣元祐二年九月予游
吳興適觀邦人新公之祠因得謁拜公像嘗閱洛中
記異載公前事刻于碑陰以貽續仙者云

南陽晁補之曰顏公以耆老忠義縊于賊于世言公尸
解不死開棺肌肉如生爪逗手背邢和璞聞而嘆曰
此所謂形仙後五百年雖藏金石之中猶當劈裂飛
去

顏真卿刻姓名于石或置之高山之上或沉之大洲之
底而云安知不有陵谷之變耶

傳記

天

小清漢閣藏本

顏魯公頃為湖州牧州產碑材公載石還次江州蛟奔
塢引直至江心則茂林峭石勢環氣騰有神祠曰祖
祖將軍廟公異之遂捐金建亭名曰祖亭制文勒碑

以記其事

唐歐陽詹集

天寶中有范氏尼知人休咎顏魯公妻黨之親也魯公
尉于醴泉詣范氏問命曰某官階盡得五品否范笑
曰鄰于一品顏郎所望何其卑耶指坐紫絲布食單
曰顏郎衫色如此其功業名節稱是壽過七十已後
不要苦問乃魯公再三窮詰范曰顏郎聰明過人問
事不必到底及魯公為太師使于蔡州乃歎曰如范

師媿之言吾命懸于賊必矣 戎幕閑談

顏真卿為盧杞所陷令單車問罪李希烈德宗遣佗裝
東邁內外知公不還矣親族相餞于長樂坡公醉擲
前楹謂諸姐族曰吾曾典郡于江南曾遇道士陶八
八授與一刀圭碧霞丹令服之自後體健至今不衰
又曰七十上有厄如有即告他日待我于羅浮山得
非今日之厄乎公至汜州希烈僭號使人縊殺之瘞
指嵩少而去魯公至汜州希烈僭號使人縊殺之瘞
于城南及希烈敗詔得歸葬家人啟柩見狀貌如生
遍身金色爪甲出手背鬚髮長數歸葬偃師北山後

長數下奪尺字

有商人至羅浮山忽見兩道士樹下圍棋一道士謂
商人曰子何人對曰洛陽人道士笑曰幸寄一書達
吾家也遣童子取紙筆立扎一封題寄偃師北山顏
家商人至偃師詢所居即瑩庄也守塚老蒼頭得書
大驚曰先太師親翰也因以藏于室子孫選吉日發
塚開棺卽已空矣子孫竟往羅浮山求之竟無蹤跡
又曰太師書法鬣頭馬尾之勢是真得仙也

紀異錄

顏真卿將往蔡州謂其子曰吾與元載俱服上藥彼為
酒色所敗故不及吾此去必為逆賊所害爾後可迎
吾喪于華陰開棺視之必異于眾及開棺果觀其異

其後十餘年顏氏之家自雍遣家僕往鄭州徵庄租
回及洛京此僕偶到同德寺見公衣白衫張蓋往歸
城隅菜園有破屋數間僕隨之入拜公懷中出金十
兩以寄其家仍戒僕勿與人說公之子函至前處見
滿目榛蕪而已時人皆謂魯公尸解得道

王仁裕玉童閑話

顏真卿之返葬也狀貌如生爪甲出手背鬚髮長數尺
說者以為真卿嘗遇異人授以碧霞丹餌之故有此
異非也昔先軫龐德之死狀皆如生又晋卞和墓之
發見也鬚髮蒼白面如生兩手悉拳爪甲穿達手背
此亦豈嘗餌碧霞丹乎大都忠義士精神氣魄方將

與天地不朽區區鬚髮爪甲之不隨死救不足奇也

顏真卿葬曲阜與呆卿同域

太平清話

顏太師以書自娛平生意好惟此不替晚年嘗載石以

行礮而藏之遇事以書隨所在留其所鑄石

廣州書跋

真卿書鋒絕劍擁驚飛逸勢

三總讀書評

宋紹興辛巳冬金人南侵朝廷遣大軍東屯以遏其衝

主將每遣小校四出探望有何兼資者領眾至六合

西望忽見一軍自西北來其行甚速魏令下寨兼資

與所部隱蘆荻中須臾傳令曰荻林中有人否一人

曰彼中乃生人與吾無異兼資知其鬼兵也乃詣寨

門請見曰某宋劉大尉下踏白軍也須臾召入中一人廟坐冠服如天神又四神分坐左右兼資拜問神兵何事西向者曰吾奉天符來助汝大尉也兼資拜請位號西向者曰此天蓬神司主事也我四人張巡許遠雷萬春南霽雲也兼資曰唐書言大王守城凡食三萬餘人果否巡曰有之而寔不然所食皆已死者非生人也兼資曰史又言張大王殺爰妻許大王殺爰奴以享士然否巡曰非殺也妾見孤城危逼効死自刎許奴亦以憂悸暴死因烹以享士蓋堅士卒心耳兼資問雷萬春面上一癢問曰史言將軍面看

六箭而止一癩何也雷曰當時宴着六箭而五着癩
虜胡傳吾面着六箭吾亦當之庶揚名以威胡耳頃
吏命酒惟天神者不食良久巡謂兼資曰歸語汝主
將吾奉天符助兵此胡悖逆當取其首以報上帝語
訖命引兼資出兵至舊所無復人矣不半月有阜林
之捷未幾逆亮有龜山之禍皆如其言

撫青雜記

許遠有祭文時為所重所謂太乙先鋒蚩尤後殿蒼龍
持弓白虎捧箭又祭城隍文皆文武雄健志氣不衰

直忠烈之士也

趙德麟侯鯖錄

焦中山千一承事世居益官州西隅雍熙四年三月夜

夢一將軍威勇絕倫自稱許遠旦起即塑其像于家
奉祀歷四十五年至天聖九年遂舍地立祠思張巡
同時報國並塑其像時王可回曰中山一邑之義士
為立功于本巷號忠義坊其里即名仁義里孫焦貴

字天爵中浙試甲子解元

顧况有子數歲而卒况悲傷不已為詩哭之老人哭爰
子曰暮年行血心逐斷猿驚迹隨飛鳥滅老人年七
十不作多時別後生子非熊即前子也年七歲其兄
戲批之忽曰我是爾兄何故批我一家驚異方叙前
生事歷々不誤

顧非熊一覽成誦好辨說氣竅凌轢為眾所抑久不第
然名在朝野長慶中諫大夫陳商放榜復下第穆宗
怪無非熊名詔有司進所試卷覽之稱旨追榜勅賜
及第時劉得仁詩賀曰愚為童稚時已解念君詩及
得高科晚須逢聖主知非熊累佐使府大中間歷
昭尉慕父風棄官亦隱茅山

宋熙寧八年蘇軾知徐州有杭州益官縣安國寺相識
僧居則請軾作大悲閣記意謂舊日科場以賦取人
賦題所出多開涉天文地理禮樂律曆故學者不敢
不留意于此等事今來科場以經義取人故學者祇

務空言高論而無寔學以譏諷朝廷改更科場法度
不便也軾在臺九月三日准問日供具因依不繫降
到冊子內

烏臺詩集

館

政和癸巳海岸崩毀百有餘里朝廷遣道士禳之毀益
不支至紹興癸丑有錢塘楊村法輪寺僧慈元誓捐
生以救大眾行視海毀甚處至于蜀山時六月五日
也海勢大作僧褰衣而前衆爭挽之且請偈言僧高
轂曰我舍世間如夢衆人須我作頌、即語言邊事
了取自家真夢又曰世間人心易了只為人多不曉
了即皎在目前未了千般學道頌畢投于海衆謂葬

魚腹矣移時風止僧端坐海面順流抵岸則衣未嘗
濡也蓋數大魚昂首戴之耳自此海患頓息沙漲如
故蜀山之民即其地立菴居之紹興乙卯四月忽集
眾偈曰會得祖師真妙訣無得無佛又無說唱散烏
雲千萬重一點靈心明皎潔安坐而逝

春渚記聞

劉一止較兩浙試欲得通時務者同列患無人止出卷
示曰是宜為首啟號乃張九成眾皆厭服

張子韶手執一扇過數夏破即補之一皮履汗敝缺裂
亦不易頭上烏巾以疎布為之漬以墨汁夏月汗出
或致墨汁流面亦不問筆用秃筆紙用故紙以至衣

服飲食皆不揀擇或問子韶此是性耶抑爰惜不肯
妄用耶子韶曰汝且道我用心每日在甚處若一
自頭至足理會此形骸却費許多工夫我不被他使
且要我使他世人往來以我為鄙吝以我為迂僻我
見世人役々然為此身所擾自早至夜應付他不暇
特可見發歎或問處事當如何曰速不如思便不如
當用意不如平心又問當官臨事如何曰切戒躁急
急則先自處不暇何暇治事加以猾吏奸民窺伺機
便以乘其利非特害于人于己甚害

張子韶對策有桂子飄香之語趙明誠妻李氏嘲之曰

露花倒影柳三變桂子飄香張九成

老學菴筆記

張無垢有難鄭如幾魏春秋書今某不存如幾復書見

兩山墨談

張無垢在越上作幕官不請供給錢在館中進書不肯
轉官人皆以為好古之過無垢曰既請月俸又受供
給偶然進書又便受賞于我心是有不安此亦本分
事何名之好

元人香囊傳奇乃吾寧張九成故事也先生未嘗使金
誕安可笑獨云其第九思則果有弟子集見集中

張子韶侍郎謫居大庾得目疾後為永嘉守中風辟祿

還蓋官紹興二十九年三月望夜夢人引至一寺室
中見懸己像駭曰何以得此人曰公異日當主此地
然待公見玉帶了即來遂寤召門人即擘書其事皆
為玉帶吉證疾愈且大拜至六月六日疾頓除即日
拜謁先墓既往所親家燕集居五日與諸生讀江少
虞所集事宴類至章聖東封丁晉公取玉帶事怒曰
丁謂真奸邪雖人主物亦以術取因不懌廢卷而入
疾復作不能言翊日卒人始悟玉帶之夢云

張無垢與黃元功善一日元功過之喑不吐一詞若有
不相說者無垢避席前曰先生無恙而若有憂色何

也元功曰我何憂哉吾聞子一事為汝憂耳無垢驚
起曰何事元功曰某文字公豈當作耶無垢曰寔否
否元功曰如是則吾心無憂矣大咲而別

張無垢甥于恕哀集語錄十二卷既已刊行其間論語
絕句讀者疑焉蓋公自有語解亦可假此發明奧義
嘗叩公門人郎暉云此非公之文也語錄亦有附

會者

周輝清波雜誌

郭知運以少俊秦檜選為孫壻秦每夕必留三杯郭多
出久至中夜或留宿留門以俟秦嘗以佩刀分遺子
壻一日宴集皆佩之而郭已遺人矣秦大怒適會其

嫁下奪郭字

夜出令門者無納遂罷親雲麓漫抄

秦檜之以孫女嫁知運自答聘書曰某人東第華宗南宮妙選乃肯不卑于你贅何詞可拒于盟言其夫人欲去作贅字曰太惡模樣秦公曰必如此乃束縛得

定聞者笑之

陸游老學菴筆記

汪聖錫應辰玉山縣弓手子喻樗子才為尉嘗授諸子學有兵在側言汪兒頗知讀書可使侍筆硯乎視之狀貌偉然不類常兒問能偶對否曰能曰馬蹏踏破青、草應敲曰龍爪拏開白、雲喻大驚異曰他日必為偉器留授之學且許妻以女後從張橫浦游學

益進年十八魁天下

益官上管場亭戶鄔守興紹興十八年夏旱田苗皆槁
鄰人相率訴于縣官以免稅守興曰吾聞旱乾而投
訴即是訴天且吾家二稅並是折益何用訴為乃獨
不預名明年夏復大旱一鄉盡成枯槁惟守興田時
時得雨是歲獨稔收倍常年

睽車志

益官馬大夫中行妻悍妬一婢免乳即沉其子雜糠穀
為粥乘熟食婢竟以血癍而殂乃取死子同坎瘞之
後數年妻為厲所憑自言坐血池中受無量苦上訴
于今天當偕詣陰府其家禱之且許以誦經飯僧皆

不從且云主母今亦教盡故我相近又云馬世僅有
三年之壽妻竟死傳此事時馬尚存

濮州志

永嘉木尚書待問少從學于鄭毅文毅文大儒也名伯
熊字景望其弟名伯英字景元負氣高義之士也登
甲科為第四名以母老不肯仕宦景元亦不屑求用
晚自號歸愚翁毅文死後木尚書造宅侵鄭氏地界
景元不平往與木詈詬而手擊之景元亦大為木之
子弟所箠明日木訴之郡逮景元時景元待次教官
扶其母以書木慚悚退縮而止木素無望止以大魁
為從官耳因此事永嘉人薄之

林下偶談

鹽官縣學教諭黃謙之永嘉人甲午歲題桃符云直入

新年怎生呵百事大吉那般者為人告之官遂罷去

癸辛
雜識

紹興二十九年閏六月雷震前數日上管塲亭

戶顧謙德妻張氏夢有宿生事責之曰明當死雷斧
下覺而大恐流涕悲噓姑問之不以實對姑怒曰以
我常貸汝物未償故耶何至是張始言之日暮風起
天陵暗張知必死因念震死既不可免姑老矣奈驚
怖何乃易服出屋外桑下立以俟俄雷電晦冥空中
有人呼曰張氏汝寔當死以適一念起孝赦汝又曰
汝歸益為善以此語世人也

元明宗天曆元年十二月加謚唐司徒顏真卿正烈文
忠公令有司四時致祭

海昌人家有古琴一張音韻清楚相傳是單丙文遺姜
堯章背有銘曰深山長谷雲入我屋單伯解衣作葛

天氏之曲懷我白日東望黃鵠

研北雜志

張天雨嘗從其師王壽衍入京時燕地未有梅花惟吳
間之宗師自江南移植護以穹廬扁曰漱芳伯雨造
其所悅遇西湖故人徘徊既久不覺熟寢其中壽衍
竟日不見憂其迷路伯雨覺而已晡閱之笑曰伯雨
素有詩名且有作遂賦長詩有風沙不憚五千里翻

春草下奪帖字

身跳入仙人壺之句閱之大喜送至翰林集賢表伯

長虞伯生揭曼碩諸公和之由是名大起一時浦城

楊仲弘清江范德機金華黃晉卿吳興趙仲穆交甚

善他日謂伯生問能作符篆否答曰未能伯生連書

七十二家示之即下拜曰真吾師也自後與伯生手

札必執弟子禮其服善類如此

輟耕錄

張伯玉記其先人似之所藏書畫云湯普徹絹本摹蘭

亭唐臨王右軍三帖張長史春草王齊翰仙山圖薇

宗畫上清楊真人像常棗佛因地圖

此卷今在
槐元鎮慶

范寬

三幅雪山二幅僧巨然夏山雨過許道寧溪山待渡

等圖李漸三馬圖李伯時于闐師子三馬圖黃荃
子孔雀芙蓉鷺鷥二圖趙昌寫生月季黃居采竹雀
唐希雅棘雀趙大年聚沙宿雁圖其他妙品尚多也
伯雨又嘗搆得孟子舟御史所藏僧智永月儀獻歲

帖

神品上

其詞云獻歲將終青陽應節和風動物

麗景先輝翠柳舒鱗紅蕊結綬想第優游勝地縱賞
賓佳酌桂醕以申心玩琴書而寫志無令披聚叙會
何期堇遣一介希還數字行間細書釋文特妙前後
有明昌七印泥金題籤今在梁溪倪元鎮家黃長睿
以為何璧所書者即此帖也

張伯雨有金銅舍利匣上刻曰維梁貞明二年歲次丙
子八月癸未朔二十日壬寅隨使都教練使右廂馬
步都虞侯親軍左衛營都知兵馬司檢校尚書右僕
射字崖州刺史御史大夫上柱國謝崇勳捨靈壽禪
院蓋有四竅出烟有環若含瓊者或疑燒香器李商
隱詩云金蟾嚙鎖燒香入又云鎖香金屈戌是則燒
香為驗其為燒香器之有鎖者

張伯雨少學琴畜一琴名風林嘗從趙子昂論琴以為
琴之五音各有改絃法其法不傳世之所謂琴者皆
不審五音之主奴、耳殆不若秦箏之按宮徵也趙

有琴曰松雪但時出橫床未嘗撫弄故伯雨終身亦

不復鼓琴

研北雜志

至正十六年五月報言張兵南下楊恭政完者以數萬
眾屯嘉興軍容甚盛張兵遂直擣武林達丞相戰敗
楊即分兵使蔣英從大麻塘棲董旺從硤石長安身
率劉震朱鉞從海鹽黃灣而進遂連敗之率亭謝村
張軍遁還

徐一夔曰至正中予避亂海寧州之東有許姓者嘗闢
巨室得古墓一內有誌孰蓋錢氏將許俊墓也俊年
十八從軍以驍勇有戰功累官至節度使都押牙兼

御史中丞寶正三年卒葬于此

應之紹錢塘人以鄉貢下第任嘉興學正丁父憂仍寓
居授徒至正壬辰秋避難于其諸生李氏子家去城
數十里曰奉賢鄉李之從祖號太無為道士住持紫
虛觀之紹一見若平生懽八月廿九日太無得中風
疾之紹覬藥療之獲蘇日一再詣問九月四日又自
紫虛還寓忽得疾一中而殂其妻楊氏太史同僉瑪
之女就所館治喪且以訃其母若弟子海寧及嘉興
城中紫虛之位以其疾與太無同不以告是夜將半
太無忽呼弟子卓處潛輩謂日邊得夢甚怪俾取紙

筆書之云于本觀所奉岳祠之前見有某姓名吏及
卒二人押男女各一併持公文而來因讀其詞曰嘉
興路城隍司淮海寧州城隍司牒為陸小蓮告至正
八年溺水事寃屈未伸今發陳喜時應偉前去勒要
應才同解岳祠周府君取問太無詢求使之詳答曰
陸小蓮者嘉興百福坊人而應才之婢也為其妻妬
逐之遂赴水死陳喜時者才之母也時居海寧偉字
之奇才之弟也居嘉興城東謂彼時不為救護故連
連耳太無見陳氏帶鎖衣白衣黃裙問之年六十有
四應偉荷校衣青衣錄其罪上皆歷、可託來使云

今若責司移牒溫都統為之解釋則尚可也遂覺始
知之紹已逝王昌言與之紹有交承之好同萬興所
明旦來紫虛太無因問應母之年及之奇之貌皆如
所夢乃以告之昌言馳告楊氏楊即詣紫虛拜懇太
無于牀下謂夢中事皆實有之復自訴其詳且言其
夫胸間尚溫手足猶軟故求移文解釋仍躬岳祠蓋
冀之紹之復生也是日午後之奇自城東來衣青衣
云昨日亦得疾與同所見如太無夢今雖少甦猶憤
憤莫知所以然楊氏以憂懼亦疾作旋即無他而之
紹氣已絕矣時建德即清溪偶宿紫虛目擊其事翌

日遂行不知往訃陳氏者歸報何如及之奇之生死
耳
報耕錄

崇德談經貝瓊同席業文洪武八年秋闈戰北偕返放
舟西湖經作詩挾策龍門數載游于今始悔覓封侯
年華流盡惟湖水自古英雄幾到頭袖刺無投世路
艱功名塵裡老人顏岳墳試與孤山做杖劍何如放
鶴閑貝疑其句悲愴偶而談歿後貝游硤石紫薇山
麓雨後聞呵殿殿以為官長也避之道左及視專車
者乃談生，即下輿叱去節從攜貝于步至菖洪井
邊坐而道故且曰自歿後上帝嘉吾心行為督巡都

統使君秩上城隍一級一州善惡皆屬廉訪語訖節
從復至已忽不見

永樂甲申沈升孫子良俞禮曹景暉彥昌皆入制科上
不時候一日卒至諸人各倉皇上馭問墓前石人

誰何景暉悞對仲翁後倅蘇州時詩以誚之翁仲如
何喚仲翁祇因窗下欠夫工此人難住翰林院只好

蘇州作通判

山東叅政海寧孫子良與同年進士西昌楊相交極厚
相為主事坐谷府累卒子良懼不敢往弔由是為東
里楊公所薄子良累膺薦舉輟不果雖未必因楊公

而士論固云然

水東日記

祝虛齋先生 萃 平居皆有師錄善者書名不善者惟舉

事以示戒一日計偕北上有同行病胡鼻者眾皆厭
憎先生獨與之同臥起官工部時有以金壘私先生
者先生固却之後受賄者坐累先生竟免生先之隣
莫氏嘗以厚售先生固止之且周其乏嘗云我能顧
恤鄰人即我之家人也何必取其地然後為我有

琦測語

祝主事家有牧羊兒年十餘素善飯一日牽羊歸就午
食庖人固不與以戲之牧兒去泣于田間一道士過

見之問曰汝何哭告以無飯道士出懷中黑丸大如
龍眼授之曰食之自當得飽勿嚼碎兒吞之覺腹中
充然道士戒曰無語人也遂去兒暮歸不食明日亦
不覺飢絕穀者五六日庖婦疑其盜米自食也白于
主人主人召兒將鞭之兒畏而吐寔主人異之明日
使他兒與俱曰若復遇道士一人力挽其衣一人歸
報二兒到向地則道士又至矣語兒曰為何漏言謝
曰畏主責耳道士以一手支其頷一手擊其頂問前
黑丸自喉躍出復藏于懷兒極力挽留問此何物汝
知所謂交梨火棗者乎此即火棗也久之主人聞報

而至將去數百步道士雙足遽陷入土中稍近益下
僅露其首既而前亦不見土上都無竅穴驚顧道士
已在隔岸拱手而滅自是牧兒復食五鄉戴區人蘇
盤時為塾師親見其事

佳案庚巳編

海寧百姓王屠與其子出行遇漁父持巨龜徑可尺餘
買歸繫柱下將羹之鄰居有江右商人見之告其師
翁請以千錢贖之翁怪其厚商曰此九尾龜神物也
欲買放去君更成此功德一半是君領取因偕往
驗之商踏龜背其尾之兩傍露小尾各四便持錢乞
王不肯遂烹作羹父子共啖是夕大水自海中來

平地高三尺許床榻盡浮十餘刻始退明及午翁怪
王屠父子不起壞戶入視之但見衣衾在床父子多
不知去向人咸云害神龜為水府攝去也吳人仇寧

客彼中親見其事

庚己編

正德甲戌硃石沈祐于紫薇山上土中得異石無數如
斧鉞者圭璧者方者員者短而長者厚僅二三分周
圍口尤廉薄各有員竅、皆倒樞黃白黑綠各不同
光潔工巧人為有所不見者皆以為霹靂砧而得之
嘉靖丁巳黃灣馬氏開山依壙亦于土中得如前者
十六枚其形極相似白者尤可鑑豈即車之類乎按

禮運山出器車 碧里雜存

硤石人積梅雨水以二蠶繭繅絲織紬有自然碧色名

曰松陰色享上價比法本亭宗宮禁有為之者一時

號為天水碧天水本趙家郡望碧者畢也未幾果有

航海之應 紫桃軒雜綴

宣德五年三月吏部奏主簿周顥奏浙江至海寧獲強

盜二十餘人例當陞賞然前無民官獲盜之例上曰

給榜定賞格正欵捕盜榜以諭眾令以示信豈問軍

民官耶其陞賞如例

朱靜庵其父友某使君者有表衣曰寒梅妻亡欵圖再

表名作青

衣當作布

娶前開閣之意青衣過靜庵泣訴靜庵曰吾能止之
因題一絕于扇令持視使君云一夜西風滿地霜粗
粗麻衣勝無裳來若觀桃花莫面面負寒梅舊日香使

君感其意終身不言再娶

陸廷杖說聽

宋南渡後邑趙氏甲科特威蓋宗室也今趙家橋其故
居云新橋賈氏卜室發其葬地顱骨甚巨豈所謂龍
種獨與常人殊者耶

孫璋守潯州時斷籐硃有草名大藥治金瘡撲指神效
猺人珍之民間希得公歸移一本姜于霜雪公甚惜
之弘治十年三月忽生後圃公曰思之二十餘年不

圖復見遂名通靈草

嘉靖戊午武進薛方山

應稱

督學兩浙修浙江通志意

廢仙釋不錄七月二十四日有神降箕曰丹陽道人
馬自然煩大夫幸無舍我薛曰款入志乎曰然遂不
敢廢

許杞山先生繫籍西路蓋場苦總催破產及給舍請告

云竄籍絕郎場竈遂移家海蓋茶磨山先生下世邑

仍徵其額課子據疏辨邑令曰向疏予告非為竄籍

也云二歲除邑令致先生燭百枝吏私其十先生東

謝領賜草堂三月不夜矣邑令詰吏輸服

鶴田券關中孫大初山人寓武林南屏山嘗畜一鶴自
隨與許給諫杞泉子善許為置田三畝歲輸粟于萬
峰深處以充鶴糧而依券文曰太白山人鶴田在九
杞山書院之陽倚山面湖左林右涂廣從百步歲計
入粟三石有奇以其奇為道里費而歸其成數于杭
之西湖南屏山歉歲則去其半以主人潤筆取金盈
焉佃之者主人之鄰李仁翰之者主人之僕歸義董
之者主人之弟檣卿舟仲主人為誰山人之友杞泉
子許台仲甫也名鶴田券

黃灣孫侍御喬徵時里人某沒三日而甦曰岳神券我

助建孫御史坊後侍御果立坊其家近岳廟

嘉靖癸卯沈南泉

友傷

赴闈其題扉曰料得浙江無敵

手魁名不占不還鄉果秋榜第三同年慈谿袁文榮

第二沈戲語之曰吾偶讓兄耳明年袁冠南宮登

上第沈僅列名袁戲之曰今竟何如

陳少卿與郊隆慶庚午初計偕泊臨清見岸側闕候祠

以素敬入拜乞佑夜夢至一處驚問其地有紫衣宮

監出曰此天子殿前天子且至矣頃之間呵殿之嚴

甚肅屏立以窺忽且殿上旌旂日月衣常錦繡羽衛

數百人引出一垂髻髻小兒衣赭黃龍袞正南面而

坐俄有人持衣冠加于陳之身陳回顧己身與省中
諸郎並立居近御前遂蒙召對甚稱旨上命前紫衣
宮監押出硃紅箱子十隻各覆黃香袱內有供奉才
官傳旨命陳與郊分賜大小臣工等叩頭出所異十
箱安置公廨中竊視之每箱大統曆十本計十箱則
萬本也驚而覺不知何等明年辛未下第至萬曆改
元癸酉冬北上 上方十一歲果叶垂髻之夢而萬
本曆日年號預定于三年前矣已維舟臨清再入祠
乞夢夜又夢入一府署視堂上官人猶未出衙惟兩
傍官屬典吏環立左右竊視案上文書乃甲戌題名

錄進士姓名歷々可數而已名不與焉惶遽以叩典
吏答曰君必進士然未也在後丁丑科乃叩頭祈請
曰某有訟獄為怨家所誣今若科不第即青衫不復
保矣藉公之力入白主司與集改注今科終身戴德
典吏許諾入有間而出曰今科名集已定矣難可改
移且待丁丑與翰林官陳曰某布衣耳擢一榜末進
士足矣敢望詞林乎更煩轉瀆鈞聽典吏不得已入
白出曰念君如此已改今科但合授翰林假秩未必
真也甲戌春榜果第四人以執政之子不獲雋竟格
館試不行後以給舍拜翰林提督曰夷館太常寺少

董下奪載字

卿方悟前夢 錢希言猶圖

荆府教授董艤舟江岸僉事鄭少白舟隙奇其相石問
悉詳見其二子曰次當顯貴即憲副鯤也後教授封

御史

張瀚子文 歷刑部山西司員外郎同舍郎吳江沈子

由金陵陳與伯海昌 朱一 是 執中歸文孫文撰孝豐吳

峻伯並 喜觀詩公與給白雲社朝夕倡和不輟

褚饒州 相 家盆蘭秋再花時以為瑞亡何子大萬曆丙

午朱國初書舍牡丹秋再花登鄉榜物理難憑如此

益官陳奉常家藏米襄陽真蹟感慨激昂自以世無知

詩起妙入神之字

己獨不憶子瞻所詳清標絕倍之詩超妙入神之字
乎蓋紹聖間時移事變禁蘇黃之跡米公亦諱言知
己交態如此何論蔡天啟二楊小々物色也

董其昌

董玄宰所書法華經七卷在叅議之伸處鐫石

許侍御聞造捐館之年入書舍見座上朝冠蛇身倏忽
不見坎地覓之無跡亡何侍御不起

萬歷己卯庚辰間雙橋密氏有虎入後園事聞縣官遣
捕不獲踰年密氏訟敗

陳太常家奴毆滿指揮未死前一麻衣僧各書一夫字
于硤石市門上惟一老媪沽酒者不書指揮死地方

人懼禍放火燔尸滅跡因延燒凡夫字皆盡老媪家
獨免

朱孝廉履儀司諭無極元日令君來學宮朱坐處風起
吹綬絲楊舞大如斗令君曰此何祥也令君易坐其
處則否因卜之曰主財物坎坐處得古錢若干在
長安上野村杜某專貨木器俱盜塚樹為之嘗夜盜時
方鋸有白衣人前至驚逸尋死

斜橋有沈女官墓不知何代人相傳武弁也崇德呂希
周覓地坎其傍得金鎚一雙而止萬歷十年丈田于
其址掘七大缶石覆之諸役方飯一人私啟若有人

扼其項因悸死吳令宗熹來視但泥半缶耳

萬歷丁未主簿華亭袁之龍以子思明登第肆志貪婪

視令君郭一輪蔑如也乙酉夏臺使檄免思明任南

京禮曹游俠邪免

書

邑隸杜九宿東門外同役鄧某已物故杜醉而道值之

奔避至家命妻子治饌杜夜與妻訣昏黑間若隨鄧

而去冥不辨路如行積水中一岸微茫經大城入府

第同鄧對簿鄧詞屈乃釋杜還生及門流盼鉄伽已

及于鄧頭矣門遇鄉故張孝廉鴻羽夫婦敝衣就訊

問其故不言陳太常隅陽中憤而前杜揖之問何以

在此曰家朱恭人今日下膏昂少為營雜費別後路
明坦非復如前良久而甦崇禎五年八月事

崇禎初詔免第三年田租十分之二至期有司全督如
故乙亥四月詔蠲崇禎五年以前逋租縣令趙慶圖
謂第五年當徵征入倍苛焉故曰黃紙放白紙催

崇禎戊辰七月潮決滄瀨圖算有女子挽匣波流守網
少年推奪其匣女又漂里餘值守網少年救免為婦
前少年發匣得故所聘釵悔之跡至後少年家爭婚
女曰如若推而墮也曷有今日官不能奪

荐福徐錫徵洛塘陸氏壻也錫徵初妊時里中老者某

慶子事佛疾篤媪哭之老者開目曰毋過慟我今住
生徐氏某房尋媪往問徐氏果聞兒啼聲哀減
崇禎初王家現有婦生子有尾五六歲而殤陳家橋陳
氏鷄雛翼足各四

陳太史倣真

之暉

諸生時召箕一日閔將軍下箕稱陳

長君云遇鷄而發

己酉

遇牛而亨

癸丑

遇鼠而崩

辛

未十一月十三日

其叔弟直書其名果不貴

天啟二年二月中暮見天樂導從燈幡繽紛若干百自
西北漸行西南可二十刻而沒郭店長安人並見不
知其由

崇禎壬午十一日夜雷雨游菴田間有坎而血蛇脫數
十並尺餘北五里曰五龍汪擊死少婦初夫婦異寢
夫忽被揭至外庭不覺也仍衣履之第聞人語曰
莫差莫差旦視起婦隕床下

東莊朱某專偽銀致饒給晚腹病孔流液不止藥之旋
痲旋液三年而沒蓋偽銀之報也

縣治中相傳有鬼物閨中靜宇林公為令時衙齋見一
女子年可十七八公不為動自後不時見之卒不為
害後值臺使者按部縣中各官俱從省命學博典守
獄庫學博挈其少子同宿竟為鬼物所祟隨其少子

以出人有遇見其形者自此縣治寂然學博亦密遣
少子歸家迄亦亡他

銷夏錄註

按董含筆記卷四載海寧縣衙齋相傳有一女妖冶
艷動人其去來出自古井時秦君嘉系為令女常游
戲左右或夜坐披閱文卷輟為磨墨亦不以為意一
夕語人曰公將陞任不能久待矣未幾遷職去與門
役輩調笑甚狎間以手撫摩平滑無罅隙竟不為害
至今尚在所記與談先生言互異銷夏錄註亦未詳
撰人

長安鎮居民火災其家投簪飾衣服于井次早令人探

取其人入井久之不起眾呼之不應但見井底騰
如濃霧蓋火氣先煽入其內一時未能即散也眾設
計力起之其人肌肉皆糜腐矣此等事倉忙不察人
所易犯故為記之

南門外鎮海祠神座前花磚相傳每潮汛將來磚中輒
有穀類稱靈異予視之看厚而細蓋舊龍泉窰也近
以收藏不慎古跡俱殘遂不復聞響

崇教寺門西民居有井云嘗有怪化女子幻惑人今石
板覆其上

林令恭章類試諸生祝以岱第一儒士陸一騏第一其

年並提平湖趙司諭維寰丁卯卜科首葛徵奇庚午
卜科首查大韶並驗兩君神識殆無與匹

丙戌九月二十一日橫涇諸生顧鑛館陳氏夕寢聞叩

門穀若有老人挈出遠涉抵塔以次待判老人引從

徑入廡下求冥役開櫃示以冊其冊蠟紙印縫青裏

浮簽曰浙杭海寧南里皆里人受生公案也第三帙

載鑛始末原名義一名鼎錫今名鑛初為謝小城適

段居貞事見唐李紳傳中小城沒若干年至治弘間

淨方司冥熊某以小城仗義轉生富男而貴列方司

冥初某以小城殺人直仍婦而賤相持未決再訊于

嘉靖六年至萬曆甲寅二月晦司冥陸氏論定謂計
詭宜生姑蘇黃主簿家小城前以負朱絳明四十二
金而絳明今為海寧南里顧氏乞嗣之遂四月二十
三日生終身事詳載又紀行簿載鑿二十歲後善否
福壽因之增減登記明備每三年達奏上帝覽訖旁
有此者老人急引別戒勿泄後事遂驚覺日高春矣
里人虞某于九月望冥攝遣于城隍神將還令待橫
涯顧秀才到同行後虞某訪鑿相質不爽
檣李蔣石林召箕有思玄居士降乩蓋成化時通判太
倉桑悅也題硤山行曰東南名勝如指列硤山對峙

俄名作俄

標天闕六寺高低金碧懸一澗中分弄晴雪浮圖八
竇出杳冥呼吸可使通百靈俯看邃壑積空翠白雲
遮斷中峰青鬣松拂天物色古枯根瘦石烟霞銷讀
書臺畔明月窺疑是讀書人夜坐更聞仙翁葛稚川
曾于此處經餘年琉璃榻埋靈藥金瓶素綆何能
牽日暮僧歸山徑僻丁、俄木長林隔芳草深埋石
闌鷄松花落染眠牛額石瀾灘頭楊素波白龍冷浸
玉一壺路深小有避秦處依、村落南岩孤劍痕不
滅英雄憤古湫練澄光隱、石闕畫掩上清家玉堂
寶笈仙人近長楸下列誰、者墳叢生荆棘碑無文

熒、碧燐羞照骨里人為指辟陽君與茲同慨張公
宅晉代衣冠塵土積奚止門前雀可栖響絕光沉若
為惜縱多白博絕人才登臨之事猶疑猜豈如馮湘
化筇去洞口寒雲間往來山崇海濼皆險阻何年五
丁修巨斧嵐露蒼茫夾水長白者相看亦如雨書法
豪縱筆墨中具見狂奴故態自評云雙峰自古未
得鉅章茲遇柔生一番品題拳石足不朽矣硤記漁
隱田徹竒其事梓以行世

補遺

石墩孫妃菴云劉先生孫夫人聞白帝城之變悲思傷

悼南游錢塘西山登其巔曰此處望見成都否歸道
蓋官卒葬石塢土人相傳如此當不其然歟孫權第
三女遺跡也

元貞元中張與材嗣正一天師時潮噬蓋官海蓋為患
特甚與材以術治之一夕大雷電以震明日見有物

魚首龜形者磔于水

蓋官潮溢民田廬多沒杭州路總管路判官絳陽張仲
儀憂之以特牲禱于海神曰民非田不食非廬無以
居神忍化為魚鯨宮耶即為魚鯨宮神亦將何依恐
神不自寧也神如識我語海波當帖、禱畢親沉石

水中命從卒繼之未幾復海為地

嘉靖間金鄉楊挺高維齋在任賍罰羨餘絕不染指飲

食服用亦不以涉民衙中多隙地日課家童墾而菑

之膳具惟瓜茄蔬菜一切取之圃中勿外市也與鄉

先生交際惟菜一二束瓜茄數枚鄉先生重其品咸

拜受比于重寶清名冠天下聞于朝入覲世宗嘉

之特賜銀牌一鐫云天下清官楊挺高公時手撫其

牌聞置鼻端曰此銀獨香他皆臭耳歷方伯家居蕭

然四壁邑人有候其家者見公褐襖氈帽帽課耕于

野老饗然

雪廬焚稿載其令平湖事以公嘗令吾寧
特錄之嘉靖志不及公嫌其近也公論在

人焉得派設乎哉


硤石趙家滙宋初功臣真定郡王趙彥暉忠憲後人所
居也遺像藏其家明末太僕裡贊曰於戲忠憲世
出博陵安喜發軔蟬聯繼承建隆之世翊戴藝祖削
平僭亂藉此威武始由宿衛為帝親軍飛掇右廂策
此奇勲金紫三公日侍幃幄節度信武遥領控鶴爰
分茅土于彼常山異姓之王金符載頌嘗聞仁者其
後必大公喬綿之文獻斯在式瞻遺像英爽猶存諒
天眷其忠誠故遐庇爾後昆也耶



浙江圖書館



浙江圖書館



浙江圖書館



浙江圖書館





浙江圖書館



浙江圖書館




浙江圖書館





浙江圖書館



Centimetres **TIFFEN** Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------